

Zeitschrift: Die Berner Woche in Wort und Bild : ein Blatt für heimatliche Art und Kunst
Band: 23 (1933)
Heft: 1
Rubrik: ds Chlapperläubli

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.05.2025

ETH-Bibliothek Zürich, E-Periodica, <https://www.e-periodica.ch>



Erscheint alle 14 Tage. Beiträge werden vom Verlag der „Bernner Woche“, Neuenengasse 9, entgegengenommen.

Weisch de no?

Bi mir deheime i der Wohnstube hanget a der Wand es Bild. Es stellt es Burehus dar, fasch ganz versteckt i de blühende Depfbäum. Linggs dervo e Sodbrunne, wie me ne früherer het gha, u gradus e Matte voll vo de schönste Frühlingblume. E Wagespur lauft derdör. Si hei da Morge graset. Wo isch ächt der Burema u d'Roß u der Wage? Lue, stundelang chönn-i vor däm Bild stah. Viel hätte mer zäme z'brichte, das Bild u-n-ig. Allerhand würd-i no gseh, wo anderi Lüt äbe nid gseh.

Zerscht will ech jitz aber säge, wo das Hus gstande-n-isch, u de will ech de es luschtligs Gschichtli erzelle, wo dert passiert isch. Dir wärdets chum welle glouben, aber das schöne Burehus isch dert gstande, wo jitz ds Chnabesekundarschuelhus uf em Spitalacher steit. Mi het ihm ds Mosergüetli gleit. Es isch ds Lächelhus zum Viktoriapital gsi. Denn hets no kei Chornhusbrügg gha; vo Duto u Tram wei mer nume gar nid rede, soweni wi vo Radio u Boiler. Ds Wasser hei mer bim Brunne müesse ga hole, wo vor em Hus isch gsi. Früeher no bim Sodbrunne. Wemer i d'Stadt hei welle, hei mer entweder der Umwäg über di roti Brügg oder de über e Altbärgstäg müesse mache. Es het halt denn no nid e so schuderhaft preffiert. Me isch neume geng o no a ds Ort cho. Dersür isch me gli meh deheime blibe u nid allpott z'Wiste gloffe oder i Chino oder in-e Teestube, wie's jitz der Bruch isch.

Doch jitz wei-mer wider witer luege. I gseh no meh uf däm Bild. E Jun, e Gartezun! Nid e isse, e so ne Scheißkun, wi ner bi de Buregarte Bruch isch. Wär steit im Garte u trappelet de Blueme na? Mis Müetti isch es; richtig, es luegt, ob d'Zönnli chömi u u d'Refeda. U vor em Hus uf der Bsehi, wär streckt si a der Sunne? Der Bari isch's, e schöne Bärnhardiner, brum u wiß glädet. Er luegt de Tube zue u de Hühner, wo vor em Hus umeloufe und flattere. So jitz heit er es Bild vo däm Burehus. Es wär natürlu no viel meh z'säge, aber es wird viel z'witt führe. Dert i däm Burehus ha-n-i e guete Teil vo mir Juget verläßt, u-n-i cha säge, der allerhönscht. Es isch di Zit gsi, wo Bärn si 700. Geburtstag gfiere het. Also scho-n-es Cherli, es isch ja scho bald nache, daß es wieder gfiere fätti wärde.

Es isch Frühling gsi, grad e so, wie's uf däm schöne Bild z'gseh isch. Am Gurte äne isch no es Fägli Schnee ghanget. Aber vo Tag zu Tag wird es chliner u chliner, bis es schließlich ganz verschwindet. Mi Brueder u-n-ig si vor em Hus umegstande, u hei, wie's so Buebe i däm Alter öppe geit, nid rächt gwüßt, was afah. Da chunnt us em Stall am Viehhändler P. si Chnächt, der Ruedi, i länge Säh. Mi het ihm agseh, daß öppis B'sunders ume isch, denn er het füsche neume nid e so preffiert. „Se, Buebe“, meint er, „wüßet-er no nit? Uese Weischter het z'Italie unde 50 Esle gekouft; si chöme hinecht mit Aextra-zug ga Bärn. Mir mache de e-n-Umzug mit ne düer d'Stadt. E Teil dervo chunnt de hie i Stall.“ Poß Donnerschieß, si mir zämegfahre!

Jitz hei-mer uf einisch gwüßt, was mache. Sälb-mal isch es no öppis B'sunders gsi, jitz luegt me nid emal meh ume, we-n-e Esel d'Stadt ab louft. Mir si natürlu was gisch was hesh über di roti Brügg u uf e Bahnhof u chöme grad rächt, wo die Eselschar, alli mit rote Bändeli vor a der Stürne, d'Stadt ab chöme. Das isch e Zug gsi! Alls isch blibe stah, me hätti chöme meine, der Chünig vo Siam mit sine Hofdame chömi. Zwängg vo dene Grauleni si du richtig i ds Mosergüetli i Stall cho. E Teil dervo isch scho verhouft gsi, a Chüter uf em Land. Die selbi Nacht hei mer nid viel gschlase, der Brueder u-n-ig, dir chöit mers glouben. Allpott hei mer zum Läuferli ufe güggelet, ob's de nid gli welli tage. Scho i aller Herrgottsfrüeh si mer bim Ruedi unde im Stall gsi u heinis die Esel agluegt. B'sunders luschtlig isch es gsi, we eine brüelet het, de hei alli im Chor g'antwortet. Fasch e so, wi bi-n-ere guete Schuelkass, we der Herr Lehrer de Chind öppis vorseit u die Bursch das Sähli nachsäge. Radisna hei mer de o di Eselsprach glehrt. „Avanti“ het der Ruedi albes zue-ne gseit. Das isch nid öppe Esperanto gsi, sondern das het sölle heiße: vorwärts. Daß mer sälbmal fasch geng z'pät i d'Schuel si cho, isch sälberverständlech; mir hei aber o e wite Wäg gha i Muristalbe übere.

Doch jitz wil ech das luschtlige Gschichtli erzelle, wo mit dene Esle passiert isch. Der Herr P. het sälbmal e Roßchächt gha. Mi het ihm nume der Bieri Friz gseit. Im Dienst isch er Trainwachmeister gsi. Jitz chöit er ech dänke; das isch gwüß nid e Grööggu gsch. Da het geng plagiert, wie B'sunders guet ar emu o chönni ritte. Churz u guet, bi dene Eseli het's nid alles freini Tierli gha. Es wird dert o nid besser si, als bi de Mönsche; dert git's o, wo albe einisch störisch si. Bi dene zwängg, wo bi üs im Stall si gsi, het's emel o a Hängst gha, e B'sunders e läbhafte u brave Kärli. Einisch a me Sunnigmorge het du di Chnächte s'Gägi g'stode u si du rätig worde, si welli eis mit däm Esu a Schabernad mache, si welli luege, wär ne am längste chönn rite, ohni abezgheie. D'Wuche vorane isch Misch gfüehrt worde. Die frische Hüfe hei im Fäld usse no schön grauchnet. Du si di Chnächte eis worde, das wär jitz jüsch e richtigi Hindernisbahn, da drüber z'springe, aber de ohni Sattel. Me führt der Hängst ufe, der Friz druf, u hüß, geits übere uf d'Matte. Zerscht geits no rächt ordeli. Aber me gseht scho, das has dem Esel nid e so rächt. Aler wott nid, aber der Bieri als Trainwachmeister lat si natürlu nid la fuxe. Er git däm Hängst mit der flache Hand eis ufs Hindere, daß es nume so tätscht. Jitz chunnt da Esel aber i Trab. Schmerstraks gäge so ne Mischthufe zue. Aber — grad wi we-n-er glaubti, es sigi der Besur, steit er wi ne Bod zmitts im Trab vor däm Hufe still, wie agnaglet. Der Bieri flüht wie ne Pfil über e Chopf vom Esel i da Mischthufe. Dert blibt er stede, grad e so wi-n-e Fäderehalter im-e-n-e Tintehüsi. Der Esel schlat no hinde-n-us u trabet dervo. Natürlu het's du es großes Glächter gä ob däm verunglückte Hindernisrenne. Aber luschtlig

isch es gsi agluege, da groß Kärli mit em Chopf i däm Mischthufe inne. Nach kurzem isch du da Esel vo sälber wider zum Stall zuege cho. U üse Trainwachmeister het müesse ga Toilette mache. Gschmückt het er nid grad am beschte. Aber no lang nachhär het er's müesse ghöre, wie-n-är bim Hindernisrenne vom Esel gheit sigi. E. Marti.

Der Wohltäter.

Abraham: „Siehst du, Levy, je älter ich werde, desto besser werde ich. Ich gebe jetzt jedem, der zu mir kommt, eine Unterstützung.“

Levy: „Gut, daß du das sagst! Da werde ich es auch tun!“

Abraham: „Was? Du willst auch generös sein und immer geben?“

Levy: „Ja, ich werde geben, das heißt, ich werde den Leuten deine Adresse geben, damit du viel Gutes tun kannst!“

Im Schlapperläubli.

Im Schlapperläubli trifft man Sich so von ungefähr, Beprecht den Lauf der Welten Und wie es besser wär'. Was alles wohl verpfuschte Ein hoher Magistrat, Und wie es selbst nicht klappte Im hohen Bundesrat.

Man schont auch seine Nächsten Im Schlapperläubli nicht, Man gibt von seinen Nachbarn Authentischen Bericht.

Wie's da und dort oft zugeht, Nach außen alles „Gut“, Doch wenn man auf den Grund geht, Sagt man von Herzen: „Pfui“.

's steht traurig um die Seele So mancher stolzen Frau, Die sich da dreht und wendet Und ausbläht wie ein Pfau. Und trauriger noch steht es Sehr oft um die Moral, Mit pelzbelegtem Mantel Verdeckt man den Skandal.

Im Schlapperläubli klappert's Und plappert's wieder schwer: Ob mit dem neuen Jahre Nun 's Krisenende wär'? Warum der Bund nicht endlich Ein Ende macht der Not Mit einem Kriseneinfuhrs-Grenzperrennotverbot?

Chlappererschlangli.

